



Behemendi Elkarteak sasitza kentzeko erosi zuen makina.

Jose Mari MARTINEZ

Sagarrondoak zaintzeko tresnak

Behemendi Mendiko Nekazaritza Elkarteak fruitu-arbolak babesteko zerbitzua eskaintzen du

Behemendi Mendiko Nekazaritza Elkarteak, nekazaritza ingurunea zaintzeko eskaintzen dituen zerbitzuen artean, badu sagarrondoak zaintzeko tresneria berezia. Makina horiekin, lurreko sasitza kentzen da, baita helezinak diren tokietan ere, eta, gainera, automatizaille baten bidez sagarrondoari hainbat tratamendu –izurrite eta gaixotasunen kontra– jartzeko aukera dago.

Sagardoa egiteko lehen-gaia, sagardo-sagarra, arreta handiz eta etengabe zaindu beharra dago sagarrondoan dela, ziklo osoan zehar.

Fruitu on eta kalitatezkoa lortzeko fruitu-arbola behar bezala zaintzeak berebiziko garrantzia duen arren, Euskal Herrian, behintzat azken urteotan, sagarrondoak ez zaie jaramon handirik egin. Landatze unetik beretik hasita egin dira hutsegiteak: sagarrondo asko eta asko baserrietako zelairik malkartsuenetan eta egoera txarrean daudenean landatu dira eta belardi hoberekin etekin ekonomiko handiagoa ematen duten arboletarako erabili dira. Sagarrondoaren garrantzia ikaragarrikoa izan zen baserriaren elikaduran eta ekonomian, gehienbat artoa eraiten hasi zen arte, baina egun, nagusitasun handia galdu du.

Sagardo ekoizleak diren zenbait baserriar, orain hilabete batzuk, Behemendi Mendiko Nekazaritza Elkartearekin harremanetan jarri eta elkarte bera proposatu zuten sagarrondo zelaietan belarra mozteko eta sasitza kentzeko makina berezia erosi zezan. Behemendi, Europako Batasunaren dekretu baten

babesean sorturiko erakundeak –Irun-Hondarribia eta Andoain-Urribil bitartean dagoen eskualdeko baserriarrei zerbitzua eskaintzeko jaioa–, eskaera aintzat hartu eta egun badu makina bat. Makina horrek badu traktore bat sasitza kentzeko tresna batekin eta, gainera, osagarri, badu zaborrak kentzeko beste tresna autopropulsatu bat betiko makinari helezinak zaizkion tokietara –topografia aldeak adarrak oso behean dituzten sagarrondoak– irits daitekeena.

Behemendi Oiartzunen du egoitza eta Gipuzkoako Foru Aldundiaren diru laguntza (aurten 55 milioi) eta elkartearen esparruko hamahiru udalek emandako laguntzak ditu finantzabide.

Elkarteak eskaintzen duen zerbitzuan, sagarrondoaren lurretako garbiketan, makinaria guz-


tia eta lanak egingo dituen makinista ipintzen dira baserriarren eskura. Baserriarrek makinistaren soldata ordaindu behar du, Behemendik urtero zehazten duen tarifaren arabera. Lan-ordu bakoitzagatik ordaintzen da eta enpresa pribatuetan baino merkeago da.

Sasitza kendu eta belarra ebaki ondoren, oro har, toki berean uzten da lur berean ongarrirako erabil baitaiteke.

Aipatu zerbitzua oso interesgarria eta baliagarria izan arren, oraindik asko falta da orokortasunez erabilia izan dadin. “Guk nahi baino gutxiago erabiltzen da”, adierazi du Mikel Zendoiak, Behemendiko teknikariak. “Lan hau sarriagotan egin beharko litzateke; sagarrondoaren inguruan hazten den belarrak lur bera duenez elikagai, aukera asko murrizten baitzikio prozesuan sagarrondoari”. Komenigarria litzateke behintzat urtean bitan moztea, ekainean eta irailean, adibidez. Azken mozketan, beraz, sagar bilketaren aurretikoa litzateke”.

Behemendik badu beste zerbitzu osagarri bat arbolak babesteko; atomizatzaile baten bidez, ondoak, intektuak... akabatzen dira. Horretarako, sasitza kentzeko makinari 5000 litroko upe-la jartzen zaio barruan dagoena lurretan isurtzeko.

Zerbitzua oso baliagarria den arren, oraindik asko falta da orokortasunez erabilia izan dadin



Komenigarria da belarra behintzat urtean bitan moztea.

Jose Mari MARTINEZ



BYENAVENTURA
Tolare - Sagardotegia



Erreserbak: Telf. 943 35 73 22
B° Txoritokieta • ASTIGARRAGA